

越縵堂駢体文集

一函
四冊

越縵堂駢體文卷三

會稽李慈銘著 常熟曾之撰編次男樸校

序

四十自序

丁卯歲除之日客游武昌楚雪乍暉江雲已夕悲哉日月逝於上體魄衰於下素冠忽其再棋黝廬設於傳舍犬馬之年洵已四十粉榆之里隔以三千塵帙數卷親于妻孥僉童三尺禮若賓友噤關對燭默然以思遠覽梁代劉子自序之作近感江都汪生繼述之文爰綜我生踵陳其略僕少懷忼慨長際時羸累草賈生之書常讀范滂之傳而請纓無路諧價是聞附相如之貲郎染

崔烈之銅臭爲常何作奏不問馬周聞劉蕡被彈遂阻
李邵方麴障面常避朝貴薄笨生角不識曹司此其可
悲一也早承義方偏被慈愛而百藥勝衣大母先背一
經畢業嚴親告殂東眷大椿閔孤孫之獨秀北堂諼草
憂門子之多災學仕遭以不成喪禍慘其馳及桐棺三
寸久積曼卿之喪壘甕百品遂瞑介推之母此其可悲
二也任昉遺孤厥有四人袁耽嫁妹常擇三壻而倭子
善病阿買別祧叔也早亡存者惟兩屢灼西頭之艾莫
分北舍之租竹筍辦莊誾誾牙郎之絹麥孟野祭纍纍
殤子之墳此其可悲三也德非許允配以孫恒牛衣夜
寒乏垂淚之慰鮭單朝設絕舉按之歡乃至郡聞勃谿

室無傾視雖齊醮於卅歲實塊處者卅年朝雉之曲將
終莫翟之徵尙杳此其可悲四也自預結納參伍華流
每遇孤寒尤爲道地而坐席尙溫太行已阻解驂所濟
跬步卽忘致書百函莫命報於齡石過人一飯卽仰面
於蕭韶甚至葭葦之親忽操戈以入室腴附之託或投
石於陷坑蛩駘化爲虎豺蘭艾悉成荆棘此其可悲五
也凡此五悲益以五窮乃若性好典墳頗勤購讀而仲
任少賤閭市爲生祖斑長貧竊書遭辱逮成千卷之積
遽罹一炬之災蹲鳴誤文校讐以朶飽蠹殘冊摹娑數
生蕩蕩帝門無皇甫十車之借荒荒福地吝張華一夢
之游其窮一也山水之癖夙具勝懷少長越中益深栖

託而秦望之花千丈邪谿之雲百重帆策缺供巖壑多
阻隸事遠役總歷窮途香山碧雲蒼翠接乎寤寐焦與
浮玉風雨迷其颿檣采臯亭之桃悽然空腹炤惠泉之
鏡黯絕塵顏四瀆粗涉其三五嶽未登其一屢傳誰華
之束分寫沅江之圖天台佛場負此證生之地牛渚怪
窟過以運租之船時或馬卿倦游令威暫返勞生多感
四顧慙歡指青山以送愁望綠浦而寫恨經年賃廡對
當門之卧龍五日登高冠生平之望海腰腳已軟煙霞
久虛其窮二也田園之興以比息柯雞黍之儲以營伏
臘而負郭陋巷燬於赤眉下溼瘠田斂於烏羸白楊多
乎花草黃獨以當貲糧廉吏子孫竟絕一絹之橘舊家

井里并刊獨木之桐至使垂白臨終齎恨兩風之庇先
靈求食不知饋餼之方渚北屢逐夜卽迷夫井竈郭西
故隱夢猶繞其戶庭饜野父之瓜壺擾比鄰之鴉肥栽
梨補杏空繙種樹之書課稼植援絕羨負暄之叟其窮
三也少勤著作服膺儒先自喜文章不居人後而子雲
口吃爭吹其草元賈逵頭長共擾其問字一篇賦出便
擬蠟車十志書成競將投溷辱江公於坐上見輕昨莫
之兒處黃祖之腹中難望俳優之養其窮四也十旬九
病一日半飡革帶量腰孔距踰尺小冠宜首廣僅盈規
行匱積其方書藥煙交乎舊帳涉夏則氣息不續涉冬
而肢體皆冰幼卽憂生今爲已壽趙苞歐血傳者以爲

毀亡山松行歌道中疑其虞殞而况謝莊家世本乏高
年范雲岷徵難期強仕每節中以待盡幾叩刀而自裁
其窮五也加以出處乖違笑嚔觸忤受里魁之辱甯止
李陽望縣令之塵幾收杜竺陳留小吏名士懸其重輕
桓東少年經師由其進退國飲狂水謂回臭而跣香士
習謗書易牛頭而馬脯夷清流於溷穢誣孤松以蘧蔭
卻兵力之昏以爲怙勢續湔上之祀乃曰利財萬蚋聚
攻干鷗一噪死灰旣積尙溺以旋重淵久湛更弁以土
甚至結嬾瓚之社亦被擗揄闖里髡之筵或遭委頓一
言甫接已覺失歡旬月詣人猶虞生厭冥冥鴻鵠之景
醜醜鬼魅之聲剝牀無膚燒城有舌雖由人忌實曰天

刑嗟乎庠鷄之栖不越卑枝偃鼠之飲惟求滿腹僕也
忝踰王長史之生年竊比袁吳郡之再造數九京之知
舊倍于生存合三族之輩行多爲弟畜憂患子立志業
盡空今者寇盜漸平東南暫定地寬可隱天醉或醒但
願回枯桐以寸春煦頰鱗以微沫逢郭代公于傾蓋先
隴畢成荷嚴僕射之寄資草堂竟就種稻十畝環竹一
籬梅港水田收魚菱以供祭湖塘山市賦櫻筍以治生
課蓬頭之阿宜擁椎髻之如願時廬項里之寺閒過光
相之宗章服偶披告漁樵以曾仕著書儻就俟朝廷之
下求論定其人或有百世所冀沒齒無忝二親黃檗口
含長言當哭聊以告哀先祖抒示親知非待絜于古人

實求諒于來哲文之工拙不暇詳焉

龐尙書文廟祀典考序

代

蓋自女陵降祥緇帷設教聿扃黑帝之聖遂有素臣之符故雖戰國攫爭暴秦虎噬詬儒破術禮榘樂崩而車服森森禮坐不改洙泗齟齬圍城尙存隸至漢興益明孔學文翁石室續及諸賢子長世家佐以列傳廟貌旣設衰成遂封中興重儒列象徧設卒史之守置于乙瑛禮器之修成于韓勅嗣是典文踵飾日月滋增雖至閏位鼉聲蕞隅螭角猶且莽崇公號夏襲帝侷撮壤埤山隆污何算要而論之經明于漢祀定於唐顯慶正先聖之名開元制文宣之謚經師附于貞觀弟子祀肇明皇

皆後海而先河取資賢以備聖爵超桓袞方稱帝師之
尊等別門牆各疏侯伯之秩固已發皇丹赤鏗訇鼓鐘
用其書者祀其人傳其學者隆其報物無異議制出一
尊顧以聊叔遺封述聖缺祀宋之中葉彌廣推崇齊魯
並尊兼封鄆國泗沂世及并爵鄒公庶幾聖門殆無遺
憾而主奴出入因此糾紛裘葛炎涼互愆追報媿太祝
於游夏躋荆舒爲顏曾道學踵興賢儒強判馴至明代
乃有張璠憑蠱毒以射天逞蠡智以測海裂冠毀冕貶
制黜儒以致高密大師豫章名學咸登彈事歸食故鄉
幸際憲皇帝盛饗而典爵乘

昌期欽逢

交平天會日月麗其中天

昭代苞苴交平元會日月麗其中天

世宗憲皇帝遐稽前典獨秉

聖衷特

詔封啟聖王以上五世王爵而 至聖先師則仍嘉靖
之稱蓋以麤紱紀祥空桑衍聖推恩所自則祖以孫貴
可知追王致隆則德必稱位益見故
九敬以盡其敬八溢以極其庸削大成之陋稱祛汁光
之妄說至於從祀之典尤切

周諮再議盈廷折衷至當弟子則林顏悉復經師則鄭
范先還損益百王憲章萬禩前則
聖祖定十哲之位後則

高宗建辟雍之宮皇哉上儀至矣觀止重熙累洽咸秩

明禮然而竹帛尚虛記注寥寂張頌勅艸佚簡无徵敏

政抵萌陋書尠述泉乎近世李宗伯周望箸禮樂之錄孔

農部繼紹文獻之編紀厥休明蔚乎份馘顧未專于祀

典尙致憾夫獻徵寶生司寇黼黻應期淵岳比識紬繹

萬緒笙簧九能自長司成及貳宗伯鉤稽積牘潤色鴻

言勒成文廟祀典考五十卷以同治四年六月絜齊進

御...

九重嘉賞儲之...禁中緇帙映乎善固...

紫宸檀函發為喬采攷儒林者奉如瓊秘訪柱下者重

若球珍肴核古今準裁同異入儒懸其藻鏡九墨畫其

枝流劉子駿之逸書老儒或嫉歸崇敬之立議舉朝憚
行咸事蒐羅式資銓綜復棊副墨以廣其傳而屬蔭爲
之序蔭惟是書采取之博體例之善固不待言而百仞
之牆所苞者六藝兩廡之饗無取乎空談泮壁非合食
之堂享祝異列傳之史夷齊卓行何與闕里之誦絃周
邵大勲豈覲尼山之尊枕累承

列聖申訓精詳誠得是書共相曉譬俾無以免園一冊
攘臂於孔林臯比片瓊爭席於禮殿若夫蘭陵言性中
壘校書賈侍中之宏深何諫議之精博鄭司農之節概
服九江之名通學咳衆家德無一眚卽至唐儒孔陸宋
代孫邢書旣傳於今茲身不遺夫世議或增或復揚榷

可言而尤當議及者小學無校長則蒼籒之心不傳雅
訓無景純則周孔之讀不著平叔忠魏而論語以行邠
卿忠漢而孟子以顯厚齋東發皆紫陽之適傳梨洲亭
林實蘇門之畏友以膺俎桓彌韻金絲將聯奎壁之輝
光益昭

國家之盛事司寇宅日秩長寅清離容上議蔭猶願簪
筆而從其後焉

德化蔡編修二女貞烈詩序

姑山菘草怨帝女之未行楚水桃花悲息媯之同穴是
以湘江栽竹淚點常斑夏屋磨笄愁雲不改而况若莘
若憲擅清陽五宋之才伯孀仲孀媿奉天二竇之烈

則追成禮服遂立臨汝之宗一則急殉橐碇永並彭郎
之冢貞蕤共穎奇節各標禮堂分寫其石圖女憲同出
於姆教允宜傳以金管風彼玉臺成鼎門雙闕之觀佐
國家六屏之化不其偉與德化蔡貞女澤茗及其妹彭
烈婦澤芝者枚盦太史之二女也珠胎分毓瓊華並妍
映桃李於中閨粲蘭芝以均氣貞女幼字漢陽袁侍郎
希祖之子晉君舅甫沒弱壻毀亡莫慈灰孝之孤將殄
愍孫之祀貞女哭踊擗面鬢鬢人門求夏甫之哀宗撫
宏微以爲後視彼祝英慟墓空餘蜨化之裙衛女聞琴
遂譜朝飛之曲論茲風義尤爲其難矣烈婦嫁江夏彭
縣令祖壽之子元善結褵半載所偶遽摧烈婦傷甚楚

之無依痛芣苢之不效空幃飲酖泣別皇姑衰經奠靈
竟從夫子撫棺吞藥遠同義成之妻割鼻明心奚取梁
寡之行夜臺鏡合甯愴離鸞漢水珠還誰能請佩夫未
醮而守禮家議其過情自殺以從儒者以爲傷孝然而
繫纓有屬作配何慙髡彼兩髦知衛子之不娶穀則異
室證周媛之守貞至於舉案甫諧崩城已慟上無侍奉
之責下無撫育之期惟決計以相從豈處急而能擇雙
飛孔雀何勞黃鵠之歌連理梧桐不長紅靡之草臺端
人告

朝旨旌門懿夫二媛並堪千古太史輯左芬之遺稟紆
金瓠之哀辭徧告執林播爲文詠慈銘竊徵近事式纂

貞徽凡自搢紳以逮逢掖閨櫝奇節月日有書其爲具
美一門足光詞苑者獻縣劉氏雅州太守妻沈以殉夫
聞其兄貴陽太守書年有子紹竣聘故按察遵義唐端
節公之女未昏壻歿誓志完貞論者以爲先烈後貞父
忠子義然叔姑從婦分旣稍懸沛郡吳興姓又各出以
較蔡氏又不逮焉

九重旌節長開姊妹之花萬劫冰霜寒照死央之碣而
侍郎僑居楚地系本始甯又足張曹江之波增越婺之
采柳朱守志並祠廟於松陽讞女炙顏補後賢於典錄
矣

宗室博尔濟吉特夫人芸香館詩集序

夫玉臺之編非所宜于金管荻筆之訓未遑頌其椒觴
是以蘇蕙徐淑內政無聞滂母鴻妻文辭罕述辯通仁
智中壘殊其篇林下閨房濟尼別其品而况家擅勳閥

體胖

帝潢嚴萬石之精明苗夫人之貴盛亦或深持禮法垂
美珩璜未聞兼涉八儒究通四始王姬桃李並采輶軒
之吟季女蘋蘩自譜房中之樂若我年伯母宗室博尔
濟吉特夫人者和林貴種瀚海名家毓秀璇枝遠承辟
禪之帝紹封珪葉代襲名號之王泉于尊人涉帑紫庭
依光

丹闕犀紕賜帶擬漢廷質子之班

鳳詔銜綸視宋世閣門之職充蒙古奏事官遂定居京師焉夫人蕙性夙成苕華絕出幼受詩於外祖母英太夫人韓太君之易學徧逮諸孫劉令嫺之文辭本於外氏十三工吟詠十五究經義較之容華弱齡豔傳催妝之句應貞奇悟夢授左傳之文殆有過焉及歸年丈副憲兩亭先生鮑宣受學因締少君傅元有文足儷杜韓蓋閨房唱和觚翰無虛策事相矜賭書爲樂下至舉業亦播菽林副憲以玉牒承華金貂嗣業出爲協揆文愨公後梁公名相實曰名世之英令時清名雅爲諸房之冠經營北舍咸無間于宏微出入南衙恃保全于李石比之安平議事或取參譚山公擇交亦資內決閨中之

助於古爲多兼之周覽政書明習掌故晉代朝正之禮
定自陳媛魏朝近事之條諮夫封母逮于歌傳寡鵠教
厲丸熊魯敬姜戒不忘恭宋宣文世無廢學所謂旣昭
婦則兼擅母儀宜播椒蘭傳之閨闈者焉然而竹柏之
性宜享大年鐘呂之音吹徵極貴乃艾歲方屆萱齡忽
摧門悅未懸帟琴永徹令子伯希孝廉泣搽塵匳捋香
遺文得詩百篇釐爲二卷而屬爲之序慈銘幸結齊年
之契曾展登堂之儀步障不施賓筵已設衣預慘綠或
語孟陽機斷流黃同悲仇母束芻未致執紼何從展讀
遺編恍親管欵清而彌韻麗而不佻高格出於自然深
情託以遙恠洵足抗美遙代傳示後來矣或謂茂先作

箴不取麗製昌圖得偶悉焚舊詩夫人削橐不存意亦
猶此不知周官婦學所咳九能三代姆教皆通六義鼓
城作賦張說擬之東征唐山有歌漢志以補雅樂况夫
人者訓傳羊做業付左芬佳婦婉嫵一門講授則是編
也亦猶子政編祖氏之詩丁媛撰大家之集並垂珍笈
式誦先芬而後之論世者所當褫異金蕤纂芳玉畹侈
女宗之盛事耀

昭代之藝文尔

蔡千禾佷園勘書圖序

國子先生之職所以造育天下之俊士表率海內之學
官協毗司成備翊京兆爲

朝廷宣教化端學術其責至重非他官比自唐以後博
士之選衰專經之業廢有歸宣公勅議振之而上下因
循憚更成法然其時國子博士秩爲五品列於通貴太
學四門以此而差歷宋至明凌遲極矣三學不分官品
愈下

國朝六堂之設仿之有明正曰助教倅曰學正又以崇
志廣業兩堂居後別爲學錄士之銓此者久無進士一
科孝廉計偕別試得雋率以楷法入格甚或入貲爲之
其選益衰而職益廢助教六年例得郡丞正錄考滿就
銓郡倅其始尙可限年待選至事例廣開仕途邕塞奉
檄之喜如登霄漢以故委蛇冗散莫克自舉卽其賢者

不過以免園帖括摩厲諸生選刻時文號爲稱職

今上光緒六年以後尙書常熟翁公董理國學時則祭酒有若長沙王君益吾宗室伯希同年司業有若閣學錢君辛伯顏札舜臣治君相與昌明經術振興人材翹其秀髦萃之南學經師人師精擇其選則吾友千禾蔡君以學錄膺其任銳志厲精汲古導原尊東漢之美富搜西京之墜佚微言大義奧旨粹文綱舉目張條析理解兼綜史論旁及詞賦日有課月有程諸生孜孜自得師孟晉迨羣雲蔚飈發蓋不數年而胄席彬彬稱極盛矣君攜家居學中足不出城市朝夕講貫皋比爲穿弦誦偶暇圖書滿室丹黃五夜風雨一鐙其地遠帶東

郊近挹北郭迥絕闐闐旁繚宮牆老樹當門豐草被逕
秋冬之際落葉滿庭罷講散齋不通車轍掩帷執卷若
無居人此偃園勘書圖所爲作也偃者樹也亦立也官
無寂要在職斯樹時無隆窳在人斯立君生宣公之鄉
當昌黎之官屹然樹立菁莪馘然使得行其志將漸
復三舍之法以幾十四博士之盛石渠之議金華之講
發揚盛業非君而誰今師氏失人高第漸散而君以年
勞出倅蜀中將見便腹高眠倚席不講求三鱸之飽脫
雙鳳之衣而君遠宦岩渠專轄城口幅員表廣得自爲
政可以追文翁之教分禮殿之圖於其行也序以送之

春文 王弼甫工部綠楊夢影圖小序

山水齋其齋母當

春女善懷秋士易感丹粉狀其婉嬾山水發其鬱伊當
秦嘉上計之年爲霍玉定情之日眞珠一斛將欲量身
明月二分修成並影邗溝畫舫證密約於來潮蜀岡軟
輿展新妝於修騰方謂杏園得訊先報紅樓慈榜首題
卽迎翠幃鏡簪花以雙笑宮賜錦而分裁迺以指鳳爲
鴉呼盧得雉羅橫樓上愁認掌中之身盧儲不諧頻負
狀頭之許玉璫緘札時寄來鴻紅葉銜禽竟隨逝水青
山如在別逢魚嶺之車紫雲不停空留洛浦之佩此王
子弢甫所由追歡熨夢倚恨成圖也瓊花一現何處吹
簫絮果三生翻勞騎鶴紅闌宛轉猶留卍字之香綠樹
淒迷遠看長干之塔然而靡蕪不逢於來徑稟砧已隔

於斜陽一騎章臺莫歸柳氏雙騶闕下忽覩張穠落紅
豔於鄰家去燕鶯於春色亦比之朝華旣遣懺枕上之
明星小杜遲來話枝頭之青子矣隨隄離恨任藏楊柳
之雅台洞春踪不斷桃花之水

樊雲門庶常蘿谿老屋圖序

蘿谿老屋者友人樊雲門庶常卜居之地也雲門舊家
僑蜀世掌勛衛中以建節遂居夷陵蓋至是四世矣夷
陵居荆蜀之交當江流之曲其西北山水峻厲形勢崎
阻西陵黃牛之峽流頭狼尾之灘稱險惡者皆在焉綠
蘿邨在郡治之東觀其所述巖澗清麗景物豐秀大有
江南之意足最楚北之奇蓋處羈旅者語鄉里而倍樂

憶釣游者覺童艸之彌娛故其言兒時之上冢塾暇之
出游闕幘尋花喜逢寒食挾書聽鳥多趁晚涼指邨巷
以穿林候夕陽而入郭涉橋弄扁時亂鷗鳧射雉撈魚
見訶父老有生之樂極於斯時來日之難何知離別洎
乎鄉書一舉人事遂多弔孤影於鴿原彈客懷於雁瑟
扁舟千里疲驢獨轅短褐欺霜孤鐙翦雨渺渺對牀之
約蕭蕭落葉之唵莊舄益其鄉思郢人流其哀唱迨至
金門通籍玉堂假歸比甯越之省親陋馬卿之乘傳一
川魚鳥爭待歸船十里管龔猶趨舊社然而承明嚴助
偏乏賜金湖海元龍依然作客固亦錦衣之樂少郵籤
之感多況乎賈誼萬言已嫌年少李飛一疏遂落祕書

出辭蓬瀛之儔抗顏風塵之吏宜其眷下溪之薄田懷
臨河之舊序比功名於上峽識名字於秘歸痼癖烟霞
流連圖畫矣僕也廿年加長愧乏知聞十載論交遂稱
師弟元言共會遐賞皆同而家籍稽陰生富巖壑曾于
甲寅之歲選勝西偏由柯山越湖而南有綠蘿禪院者
據立水之一山峙戴石之孤脊薜蘿蒙密竹樹幽深下
帶窄谿閒出邨舍桃李千百春蒸綺霞鐘魚兩三晚出
深翠偶衰微疾樂此淨區遂偕叔弟勉齋貰榻精廬借
廚香積居於黃葉山房者幾兩月焉時則安仁奉母
正愛閒居彥倫有妻偏耽宋隱亦嘗飼桑陰之犝犢狎
漁艇之鱸鷺賦松子於樵童時分敲火乞柳枝於溪女

或誤投梭方外傳其風流勝侶相爲歌詠而悲歡互代
日月不居思邈未逢盧生發湛水之想僧謙遽隕王微
有告靈之文自是汜今滄桑百變馬頭生角空眇歸風
烏尾畢逋尙無棲樹客夢偶返三宿不迷山信屢傳一
墩故在披君此畫適符昔名證香火之有因訝雪鴻之
偶合所願飛鳧近集卽傍家山種稻公田足供陔饌江
水有誓草堂可資本非楚人盍僑越地茆堂臨水白頭
娛扶杖之親藥徑穿雲青鞵作采芝之客當與子賡蘭
上之楔放剡中之舟寺有雲門以印表德郵傳樊浦樊浦
樊江俱見放翁詩今郵墅甚盛卽系名宗禹穴藏書煩禮堂之寫定何
山精舍授都講以皋比息壤之盟其殆庶乎

張公東明經校經圖序

讀書之樂窮涂所艱析疑之功索居多戚况夫簪裾盍
集皆爲素心丹黃互讐每竟清晷東浙西浙不出乎百
里今兩舊雨數逾於十人給官餐之錢校中祕之籍朝
窗映日緗帙晃其素塵夕几圍鐙朱絲爛其行墨樂羣
在業蓄暇以勤概夫平生尤爲僅事此張子公東校經
圖所由作也蓋其生長鴛水馳驟鴻都煙思翕以益清
松格矯而逾上填詞萬首唱徹乎井泉作賦十年寫罄
平洛紙膺拔萃之選竹箭重於璆琳奏參軍之功貂蟬
出於毛穎君嘗爲今山西布政使劉學士軍中記室以功賞花翎而且安仁奉母
蓺陔南之蘭高柔玩妻校閨中之簡清漳夾宅共趙煜

之精廬君與趙州瑕止傳經受鍾興之章句君受業鍾

孝廉箸有佳事既萃勝襟遂遐泉來武林徵校經苑時

則孫期瑞安孫侍弦誦實總丹鉛薛漢全椒薛太生徒

近鄰絳帳談經則高鳳嘉興高秀識字則譚長仁和譚

獻言天則朱生仁和朱秀作賦則王子錢塘王訓張仁

張孝陳仁和陳奮塵則驚塵落梁沈秀水沈拔胡錢唐

廉預秀才豪引卮則清言傾釀割木蘭之院時寓局雜貝葉之

書或聯榻於東西或著屐以出入廟壤種樹穿池引泉

分經幢以安花循鐘廊而步月抽架既倦閒以奕棋燒

燭就闌互起歌詠近巷過雨偶出訪碑疏簾敞風時看

繪事朱陳二君烏虜歲月之聚速於轉鸞朋好之散忽

善繪事

如落葉僕也暫與斯役旋有遠行滯蹟武昌深懷聖水
冠緇倏其變素襟酒鬱而猶香諸子多預計偕君亦將
赴

廷對固求作記用疏所懷鳴雞相聞不已於晦雨修柏

之悅無問乎歲寒諗我同岑視此陳迹至於漢魏石經

有一字三字之分隋唐師傳有陸本孔本之異

陸氏釋文孔氏

正義及賈氏疏所據之本各異今比而刻之致牽合失真古篆遞變楷隸滋譌蘭臺

之經多改以私意免園之冊或勝於官書熹平石碑同

異莫攷

熹平石經載有漢時諸家異同見隸釋

長興鏤板烏焉愈紛科舉

設而古訓亡大全行而注疏絀不觀開成之石以爲通

儒墨守麻沙之書以爲功令屠沽妄造之字謂過於聖

賢鈔胥誤竄之文謂不敢增減凡斯校讐之事不悉著於篇云

薛慰農太守烟雲過眼圖序

夫日月跳其雙丸天地等於一舍駒隙之速賢知以爲恆期螳埜之微童蒙視爲息壤是則河岱遷變俱歸鴻濛倉沮締營悉隨蜚佗以達識之觀化類佛老之寓言縮萬里於胯閒彈百劫於指上智愚等惑形神悉空然而澄江月明浮雲愛其流景曾城日莫歸鳥戀其餘暉煜煜電華乃駐以性識岐岐語笑笑常懸乎山川神理所綿氣運曷旣况復人中麀鳳天上宰官裁制雲霞發皇金石奇采苞平巖幹煦澤鬱其岫陽雖康濟之懷肫然

未已而推遷之感適亦多思爰自投簪以溯闕幘滄海
彌乎家巷烽烟蔽其棠陰氤氲萬殊蒼涼寸肌鏗諸宮
徵流爲丹青此慰農太守烟雲過眼圖所由作矣乃若
千乘善詩傳自夫子元超多藝本於敬侯席前雁鎧以
爲菑穫楹上蠹簡乃勝羸金老屋認其踞觚角績其
擁帚則爲圖第一曰椿庭侍讀三鳳齊翥門戶稱英七
花並簪衣冠久偉伏湛升講送難於穉文劉歙著書就
訂於叔傲春琴在几對傾花下之卮秋雨連牀互屈松
枝之塵則爲圖第二曰棣萼談經淮西耆老是曰伯春
滁陽學究乃有中令空谷樵唱答絃歌之聲深澗鹿行
避書帶之草圖史映夫深竹童冠游於白雲則爲圖第

三日滁山村學建業金粉貽自六朝廣陵波濤壯於八月尋桃葉之渡紅樓接天汎莫愁之湖畫船勝水簾影十里隔以秋燈柳絲萬行壓以孤笛則為圖第四曰淮水秋風薊門烟樹蔚茲皇州金臺杏花尊於宮體機雲入洛干轂傾其英聲郊祁登科

九重為之動色

君與其兄淮生侍御同登癸丑進士榜

槐市題塔聯金玉

之名蘆橋祖筵分中外之任則為圖第五曰燕市紅塵平陵善政出於孝弟浙西傲吏同乎神仙攜賓載酒判事烟雨之樓挈鶴邀僧題詩茶禪之寺權郎歌其逸事桑女話其清名則為圖第六曰鴛湖春夢稚川解綬乃作寓公南州懸榻慣來高士候火團壘雲壓李景之宮

浪花織帆晴倚滕王之閣高館燭池氣作長虹遠浦月

明目窮斷雁

侍御以王戊典江西試歿于闈

則爲圖第七曰章門戢影

海上一城危於卽墨臨淮孤旅突起倉頭夷獠四圍看
書生之殺賊星月萬竈聞清笳而拔營傳箭下五茸之
城磨盾墨春申之浦則爲圖第八曰滬瀆從軍約其前
塵都爲此冊宣導幽墨髣髴悲愉永存神明之筌匪取
耳目之翫迨至

帝知趙抃特詔以守吳山民借寇恂去思深於浙水而
一官輕於脫屣五湖渺其浮家三竺贈雲藉壯長官之
橐六橋蹋柳莫知太守之驄此則村童草屨宜人習夫
元白吳孃紈扇又家留其畫圖矣慈銘幸預撫塵謬承

走絲堂馬骨文 卷三
授簡日斜歲莫感白傅之生年

白詩我年三十
九歲莫日斜時積慘暫

懽契子建之情話緣其雅意爲之序言將以鄭重逝陰
綢繆晚節千秋可託有高齋僑札之圖平生是詮卽宅
日杜蘇之譜

曾退菴年文明瑟山莊課讀圖序

明瑟山莊者年丈退菴先生之所營也朝簪乍卸卽成
谷口之居楹書有儲先就城南之築輟鳳池之染翰爲
馬蕃之傳經時則舌發瘞錢新喪長豫亭披元草方慟
童烏然而珠樹雙榮彌劭河汾之業靈椿未老遂開履
道之坊倚林結園緣池作館牆形不設以竹爲援樹勢
畧施照波成舫風闌幾折紅亦侵花月洞重規碧將封

蘚危亭間出斜廊曲通旣絕流而爲橋亦就山以藏閣
樹多於屋不隔聽鸝之林石欲分泉且留調鶴之徑凡
茲意匠皆續詩才初因北海之荒莊繼益詠樓之舊址
經始乙巳以迄甲寅歲周十干景成十六先生自記言
之詳矣時則開徑延賓下帷課子琴歌互作巾舄咸歸
滴薇露以研朱劈蕉箋以試墨夜燈分几樹影當窗晨
函開緘山光在卷書聲出於花上衫色迷其柳痕或刻
竹以題詩間指棗以策事謝公家法無取香囊柳氏舊
聞分帖副本其曰招邀風月之廬者課讀所也曰雙鳳
樓者插架處也琴川碧水偏匯階前吾谷丹楓自來簷
際飛泉拂檻研水能添長風過松籤牙都響老桂對峙

卽爲燕山之居垂楊獨高尚記新昌之植

二事皆見先生自記蓋

亦極昇平之樂備家園之娛矣喬蔭忽傾蘭畹滋茂向

禽始願遂畢於巖阿鞏肇能文益顯其家業滄桑旣閱

無改通德之門樹石依然不煩平泉之誠山條水葉藉

銘字以長留竹翠花深披畫圖而宛在令嗣君表比部

寶持遺蹟廣徵詠歌辱以齊年屬爲惶引郊居十詠敢

希齋壁之題石臺一經長寫君家之策因系四韻用示

後來

丹黃三萬卷卷卷手親模退隱疏泉石清岑入畫圖水

分烏目澗花亞紫薇壺家法茶山老風流在海虞

沅江秋思圖序

蓋聞楚天爲結恨之鄉秋水實懷人之物白雲無盡蒼
波卷空騷客所鍾韻情迺寄况夫蘭芷被澤風露泣華
香叢叢而益幽態傲傲以善歛當其朝霞在嶺夕月臨
江哀猿一鳴棹謳閒發故將愁絕誰曰能堪僕本恨人
何時不憶至若丹楓落葉朱橘迎霜寒色片帆客心干
里蹇脩旣具魂夢爲勞雖楚游之計未諧而湘靈之思
無歇爰傳尺素續此遙衿庶幾點綴騷容流連墨雨春
風若采誰尋白蘋之花微波可通永證斑竹之淚

附作

江西
新城陳驥德夫

芳芷多怨碧秋有痕託江上之微波寄人邊之遐思
若近若遠非雨非雲嫋嫋兮溯洄依依兮繼絳則若

去家羈士入洛才人塊然寂寥夙然幽墨黃塵抗乎
烏帽緇衣澹其素心鬱意所宣閒情是寄乃有瑤姿
三楚玉樹雙條蕊舒舒以弄嬌枝旒旒而流態凝眸
一顧柔腸九迴清風送音涼月墮夢嫩涼晨潤明瀾
夜長殊洛浦之弄珠訝漢皋之解佩卽匪棄乎客感
亦足係其愁魂爾其渺渺沅湘盈盈衣帶凌波步緩
擊汰情遙何踟躕其來遲羌鬱伊而誰語懊儂曲怨
感秋興悲踐夙約於芳時託知音於流水寫之盈幅
極此沖衿展斯圖也則嶮岼九疑瀾漫千里峰青江
永月白秋高湘瑟彈來花灑蒼梧之淚楚歌客去人
傳絳樹之聲

庚午九日曹山宴集夜飲秦氏娛園詩序

商颺戒涼元霜未集東臯秦子乃挈嘯侶具畫船擊汰
清泠言就林麓曲激帀綺斂橋控翠呀洞崑嶺入窅出
曠有曹山焉下爲曹谿鑿險緬幽遠自邃古莠專翹削
巧設若天或臺而傾或屏而疊或磴而絕或闕而連矗
巖鶴舉斷坻龜伏殊品詭狀莫殫於辭寒潭澗深盛夏
猶慄石景見底纖鱗游空有文簡之山樓傍般若之講
寺舍舟而步迤岸而東則有犬亭傳於越絕萬竹膠逕
眾瀑敞門石峭益奇山戴而聳其中曰空明菴者文簡
之宗蘭風先生之別業也蓋有明中季陶山陶氏接踐
清華兼媿禪悅高抗簪鞞營結澗阿故闢茲區選境尤

最黛壁四合丹池中淳林宓陰翳外不見轍一室之內
惟聞水聲泉流樹顛雲起簷際經樓俯鏡迴廊導梯肩
月蘿於磬音交風藻於幢字爰陳肴醴共暢元談倚檻
評魚就窗刷筍蘋花分席苻帶量衫亂茶鬻於松濤泛
酒卮於山色葢已極淋漓之致萃閒適之歡矣尊俎旣
闌各縱幽討穿隙躡峻遂躋其巔酌雲石之泉羽衣當
料絜棋枰之石度鳥以繩重巖麗屢下見日景絕巘削
另上聞人聲海色盪空遠攬百里艦界刻繡頰縮寸圖
夕陽西銜高屐始散主人促棹歸其故園初月在門林
采滿地殘荷蓄沼秋花夾墀堂虛受明廡深闕馥碧蕉
倚石爭颭晚風紅薇出牆猶泣清露更洗罍斝畢羅芳

鮮疏簾隔烟時逗篁韻高燭返晝遙生水光狂歌拍闌
驚起睡鴻醉墨橫紙怪逾春虵盅衿未盈清漏轉促咸
以九日之義取備于窮陽百年之身倏逝于過隙登高
卻賦常感重光之言舊雨不來彌軫公叔之論及今不
紀來者何觀因取陶泉明九日詩千載非所期聊以永
今夕之語序年分均授簡賦詩猥以頽齡忝爲祭酒青
山賣盡覩面目于烟霞黃紙除來畏簡書于魚鳥管豪
久禿飲墨汗而仍枯琴絃輟調奏流水而不響爾者浮
沈尤食追感昔游薊樹早秋悲寄吟於落葉茂陵病渴
思濯肺于清泉旅雁失羣盟驅騰誚郎署之粟望濮陽
而如仙金門之居賜鑑湖以何日補成此序并綴五言

天際菊花誰送故人之酒山中桂樹長依高士之亭丹
壑不扁秋軫無歇素衣欲化繪泉石于行騰白雲知歸
作莼鱸之先券是日會者王睂叔胡媚青耆仲昆弟陶
中夔子珍心雲孫彥清秦秋伊詩胎及余共十人

佳游貴選曰茲晨尤所專益哉促秋駕延竝娛清鼎曹
山富奇景栖寄多高元及爾共遐契泉石相迤緣仄徑
劣筇拄竅壑窮舟穿碎石附花落逋蓬學雲仙灌辟幾
今古餘力爭雕鐫舒石据經閣水流松樹顛塵衿頓以
滌聞觀心爲宣築高縱遐討層谷何裕裕西巖墮餘映
川光戀微煙晝短繼華燭商歌發明筵人生多哀樂雲
物隨變遷朝菌隨旦莫大椿歲八千達識非有覲榮名

能自堅作詩諗同志無爲捐盛年

辛未九月慈仁寺宴集詩序

京師宣武門之西有慈仁寺焉傑構自古崇臺乃基門
翳百囂庭蓄萬彙綺廊延靚繩堂納明後阜積隆聳出
高閣複庀百級積登其顛顏曰毘盧憑眺所恣勝流棲
寄實曰麗區塵海結營繡仰仙宅時則歲紀叶洽月在
厲予嘉辰載臻羈客斯集各命中轄相期隅中馴禽候
林幽磬導徑密葉未落氣和若春偃松曲盤晝黯疑夕
罨華旒於清樾休驕驄以豐蕪殿宇竦丹平綠陰於幢
頂經簾截翠迴清風於幃前遂歷小橋躡危磴苔痕映
日時澀履聲筱枝掠煙常礙冠影搜遐川隰攬近郊原

太行峩峩微露纖髻桑乾浩浩如聞怒波陵雜景光揮

霍雲物俊賞既極池尋而西相與讀咸通之碑寺山門之右為

顧亭林祠壁間嵌唐咸通九年幽州押衙使王君夫人張氏墓志銘鄉貢進士李彖中課文道光時新出土者

訪開成之井寺右有井其幹刻開成四年十二月二十五日建造幽討未已芳筵

已陳酒盡百壺鮭列卅品二敖入跪商勸學之異文糗

餌粉資窮題餈之雅謔發難經史吹彈菽能閒及稗諧

亦資嗚噓慈銘夙游京邑結企林垆庚辛之閒春秋佳

日婁與中表陳子珊同里周生雪聯襪命儔詠饋於此

驚飈倏集相輪不迤歲早終乎一星腹猶痛乎百步元

都再至重陪長者之游闍黎不逢難覓舊時之什日精

鑄菊招瘦蜨於籬邊霜信傳楓懷遶鴻於江上淋漓泉

石篇翰猶新去年里居作重九於曹山濯浪煙霞觴匏又接蓋不勝
故國之思逝華之感焉是日集者九人諸君皆爲之詩
及記而余序之云

汪氏西樓讌集序

滬瀆一隅織江襟海關市閩隴舟檣堊鱗游客如歸勝
流咸台則有紅樓百尺珠簾十重溢明眸於綺錢擢素
手於翠幌深深隱玉款款當花巢燕香中籠鸚屏側金
鋪半啟玉缸四圍碧糝匙羹紅酥切膾印脂饒於粉指
斝深杯於絳脣繡幃馱來玳筵促坐持褰諷淚石榴紅
際之痕映扇言愁梅子黃時之雨夕陽在額清風散衿
僕也爲萬里之行公子卸千騎之擁台萍蓬於炊黍借

走絲堂馬骨文 卷三 集部第
絲竹以清談林際春申列晉間之遠黛圖中羅馬指鬢
上之夷花妝鏡初開千帆見影權場四集一遂定人夫
過時之悲莫如履舄爲歡之暫倏於煙雲故舊院者頓
悟之桃對酒者騷歌之府而况燐燐礮火卽在尊前歷
歷滄桑聽之曲裏則斯圖也豈徒以志逸事抒豔情徵
婉孌於錦谿續窈窕於珠市乎

暮冬夜與族兄弟宴梅山寺詩序

晚煙衝郭寒月出林羣季畢來孤櫂始發沿上柴下柴
之曲絕東灘西灘之流人語隔柂

古籬
字

水色浮椽港淑

折而漸暝墟落寂而入幽有山翼然卓立煙際松楸四
翳中見寺門佛燈射船山僧候岸壺榼在擔茶筮嚮鐺

庭廡淨深鐘魚俱歇時則子弟蘭如竹樓等四五人以
予將北行治具言別借行厨於香積啟明筵於夕軒談
屑墜欠鬢影妨燭酒缸干斛映星不寒山光四圍入簾
都翠觴勺旣倦行吟圃庭凍竹萬竿鏤月流地霜葉積
尺青鞵有聲湘梅作花羅襟亂馥棲禽驚梟或逐別枝
池泉暗流時滴清響觸屏之僕斲聞於下方知更之雞
鳴促於宵漏高興未已曙色忽萌鐘杵旣催肴俎始設
夫星辰旋轉行速乎舟輪親戚宴游每間乎離別是以
青蓮達識流連秉燭之言元子可兒悽愴種柳之歲中
年絲竹易併悲歡亂後園林幸聯花萼今夕何夕知後
會之誰賡東祖西祖幸先芬之可誦韋家花樹感槩承

平謝氏烏衣淋漓篇什用成四韵紀勝一時烏虜朝噉

不温微霰先集次晨天涯雁影長懷伐木之吟陳迹鴻

泥猶微薰艾之穴煙雲可瞋猿鶴難期白頭卧庵笑行

客之萬里紅萼無主遲尋春以十年敘情語於蒲團諡

巢痕於桑下乙丑之秋寓寺樓十餘日綠波春動將勞江上之送行

青山歲寒留待他年之誓墓

送潘孺初還文昌序

夫蠶絲於堂則絃絕於室曜轉於宇則丸鳴於銅是以
有識均形含生同氣橫目雖一而明者獨殊吹萬不同
而巧者見異然則求合景於罔兩覓叶律於伶倫自古
為難非天能定而况習毋追於倮國奏疏越於巴渝乃

能睹景知姝聆聲識契則儵魚相煦寤足喻其情親璧
駟依行非能方斯交密而邊衿忽告轍牲在門元雲動
於哀緘疾雷催其徂轂粵農寥野約盡於百年溟勃窮
涂別將以萬里此則蕭蕭落木鴻雁爲之悲鳴沈沈夕
陽風塵以之黯色瓊海老友存之潘子與慈銘交十餘
年矣潘子家文昌幼孤寒兩節母撫之以立荻筆之畫
依紡織於一鐙柏舟之詩瘁束脩於十指而重規之生
善病敬通之儷不諧一衿未青兩髦已脫五父有問哀
感於路人孤兒之行酸編於樂府洎咸豐辛亥登鄉書
以丙辰官農部顏駟所好不偶於三朝匡衡射科倍占
於六試不夷不惠爲拙爲工塞翁無馬何差乎吉凶愚

公有山不忘乎畚畝守卅年之不調縱一絃之哀歌白
髮有期滄海將盡遂以今年癸未九月促裝南還弱絜
一舟陳編三匝赤腳之婢病魑背而勞從長鬢之僕畏
繭足而辭去布衾在襍凌雜於雨風疲羸在綱蹇局於
泥潦落鬼高陽之侶挾斯桑戶之徒裹飯相邀絜尊爲
祖薊門衰柳向征車而不黃礪石早霜迎駛帆而先白
橫流三浦載道監門之圖傳烽五羊滔天羯夷之寇臨
歧珍重揮手淒迷然而禽鳥有知以歸爲樂山川無限
得故而安故雖縱橫九州揮斤八極考其寃夢多在釣
游而或廷尉山頭徒勞詹望玉關都護絕意生還況乎
際百六之期邁中衰之會兵灰之鬼倍於牖閒溝轉之

瘠裸於土著今吾子系

朝籍睹中興受六品之官不祿而能活過下壽之歲不
杖而能行添丁兩男傳經一女曳柴鄉里待樊英之歸
來擁楫江湖有清娛之婉變則此歸也江楓初赤山橘
將黃父老扶迎兒童笑問沙頭舟泊則黎人聚觀市尾
昇行則蜃孃指點問州校之舊友或有老符見名氏於
故書驚傳陽五牆頭過饌荔碧焦丹社集開筵櫻鞋桐
帽漁樵闖席半屬孫行雞犬知家依然里巷岐巾折角
見者以爲朝儀洛詠燕談後生錄爲掌故松楸展兆疑
夢裏之神游桑竹成林記兒時之手插語昆明之劫老
淚猶零尋楊僕之艘青山無恙枕林秋翠選試鳩筇梅

雪冬霏增鮮鶴鬢田園之樂補鐘鼎於穎箕杵靈之年
極神明於彭老至於離別之感朋友之情又有說焉君
漸稀年我將耆齒蘭膏其保可期禽向之游太虛爲鄰
豈隔元眞之處卽或成公有館白傅當龕冥漠有圭將
窮乎倚杵雲風速駕更捷於搏沙尙何恨於君在珠崖
我棲會稽乎是則五色雖明有時而晦千縷雖密歷久
而疏惟此性眞泯然終古道我而噓知子之來深護波
濤厚衛眠食有風南至卽空谷之足音一字相詒勝屋
梁之顏色

送施均父之蘭州序

歷潼關以西鶩背華嶽而北馳越梁歧泚滄渭車箱之

谷若衝高塘之城逼天雪山皚皚六月飛霓涇水混混
一斗飲泥汎國之川爾雅以爲西極積石之阜禹貢遂
窮河源羈客以之慄覓行子望而沮色叔皮辭難感槩
北征之篇票鷁出師張皇西渡之役况吾子罷上計困
長饑走萬里以謁軍門抗三伏而趨關塞瘦馬衝淖單
車逐蓬卷衣裳以裹書無童僕以應使烈日炙其肩背
凍雨飄其枕衾探丸之豪狙覘於林莽當道之獸游行
乎市塵尤足增牢落之悲損馳驅之氣然而隴西天水
漢郡比之遠畿涇原平涼唐道列之關內山西出將萃
六郡之良家涼土多才有三明之佳士何嘗非神明之
奧府衣冠之望鄉水土沃饒山河雄固足以屏藩秦地

鎖鑰邊城而地逼戎羌世多失馭永寧板蕩予大馬以
鳴苕寶應陸梁致吐蕃之豨突遂使金城負險玉門阻
兵康狼馬屯悉姚伏之故壘浩疊湟水照宰勃之明駝
雖大中振威河湟解辦熙寧庠境洮岷置軍然旋歸鐵
勒之軍難畫曩霄之界天梯蕩蕩不散祆氛好水沈沈
莫收戰骨視臨洮爲甌脫等河右於外區武弛戈鋌文
窮韜畧渾城馳騎愁過平川仲淹臨邊空分西市夸壯
游者爲之迴轡嗜紀異者爲之廢觚故子美詩豪止吟
秦塞長公文富不及河西卽以際身

聖朝拓疆萬里自出嘉峪以抵伊犁凡漢時所謂烏孫
龜茲城郭諸國設官疆索立學興材化戈壁爲田疇編

瀚海於戶籍天竺之山北拱蔥嶺之水東流以視皋蘭
近爲腹地然當潢池盜弄元黃蘖芽烽燧徹乎甘泉鼙
鼓振於駱谷鐵脛黑齒之醜徧屯隴坻倏飛羽林之軍
愁渡洛汭金隄決而王尊賈銀刀變而長源殲亦幾同
武始之羈縻比狄道於荆棘今則楚軍賈勇使相臨戎
一戰而關隴平再戰而甘涼達隸收金積遂落旄頭袍
罕爲舉部之降靈武請獻城之命於是屬夷獸迸商賈
鱗趨君得以袞衣大袞登車攬轡河聲夏壯走魚龍於
怒濤嶽色朝寒呈花萼於飛翠訪周秦之宮闕考漢唐
之陵墓郵驛旣盡幕府遂開晉國旌旗遠耀九秋之上
臨淮壁壘高據三秦之顛珠履滿於賓筵絳幘奉其食

器看子荆之長揖待孔璋以飛書燕支滿山以遺妻子
蒲桃積斛以釀酒醪此亦足以盪奇胸俾快事矣況君
雅負文學尤喜詩歌三絕書碑不無索靖五言送別或
遇李陵居延出泉磨盾鼻之墨昆侖飛月照手中之杯
恢拓高談張皇勝致將見花門大定振天山鏡吹之聲
莎車畢來編絕代轡軒之語

送謝麀伯編修督學山西序

太行之西并州之域地迫邊塞俗務商賈山谷阻深風
氣褊急弦歌之聲少於籌算衣冠之族習爲僧馭無齊
魯之雍容仍唐魏之儉嗇故攬風景者以爲荒涼采聲
詩者疑其僻陋然俾於神州傳於圖志者則有三焉最

爲勝絕晉陽之側實惟晉祠孕秀金天毓靈唐叔瀑注
千仞樹圍百重架飛閣於夾谿通邃廊於懸岫涼堂交
蔭仰不見天曲洞朝陽下臨無地古霜棲柏是表懸甕
之山碧玉疏泉分注臺駘之澤誠中尉所樂述柳州所
豔吟雁門樓煩控帶朔漠爲長城之鎖鑰實畿輔之屏
藩句注絕雲俯九塞之一先俞亘雪號四陵之西鳥道
翼跂狼隊臂接一騎劣過千峯互鉤管涔枕汾挹天池
於飛翠夏屋臨岱橫象頭於積煙登托羅之臺風寒紫
漠弔偏頭之寨血漬紅門譚形勢者色飛懷義烈者神
悚至於慮虜舊縣厥有五臺文殊之所證因法蘭於焉
飛錫布金層巘卓塔危岑五峯若花百刹蔭筍相輪孤

不改火霰之陰鐘鼓夕宣常出雷電之上華雲曼衍因
香閣爲合離奔風扶搖循金繩而上下樹辨秦漢花迷
夏夷玉池導滹沱之原祕魔倪飛狐之脊贊佛者所莫
究探奇者所不窮僕好雅游生猶未逮君以軺軒之使
恣登臨之奇大夫九能貴山川之可說畫篋八尺乃烟
霞之畢搜衡鑑所餘賦詠斯廣若夫學使之責在於激
揚文章之道本於訓詁君夙懷忼慨蓄意振興彼都一
隅自唐及夏宅京於此有古帝王之遺風其在春秋人
才尤盛羊肸之辨趙衰之文爲大雅之扶輪實博物之
宗子况乎神聖載魄陵傳其三

趙城有女媧陵安邑有舜陵滎河有湯陵至高

平大吳陵臨汾
堯陵則無所据
嶽瀆秩祠地居其四
山渾源州祭北嶽恆
山霍州祭中嶽霍
西海及河瀆
祭西河竹馬不乏佳兒姑射久肌非無處子
王官高隱之谷太原釵鏤之家陶以楚材儲爲國士其
弗以中說數簡讀書一編爲足追洙泗之原流守洛閩
之衣鉢也

送高次封太守歸利津序

丁卯四月太守高君以瘖疾罷郡治任將歸予乘小舸
送之咸歡河側夫更代之際仕宦所難堪別離之頃朋
友所慘戚况君以馮唐之年抱焦先之疾賓客盡散吏
僕揶揄國無祖筵郊無飲帳行李蕭特山川黷然而余
與君有同官之雅託相知之深凡君之忤上官治大姓

絕宵人慾奸吏與余事相連謗亦隨及則君之去也曷能無言今夫驚颺轉輪不能動地疾湍轉舳無由撼山故貞柯之姿因霜雪而彌厲香草之鬱炳蕭脂而亦芳出處均涂榮辱任運君早淬正學峻風裁生齊魯之邦習服鄭之教登鄉書者十二年始成進士觀政戶曹都中百司閒冷爲職獨地官之屬幹運錢穀館轄利權天下視爲膏腴

朝廷倚其籌算望郎氣炎灼灼爲甚侈濮陽之酒肉飾臨汝之車牛外結吏胥內交宦寺道光以後四方用兵帑藏久虛犒饗尤亟於是大鹽大冶爭以貲進郎選益衰吏術亦殫人人自以爲宏羊不數劉晏復生持權軋

傾輕俠並用斗筲姓名錄錄可算而君澹若無與泊焉
寡營官郎署者二十年始以上考出爲吾郡越新復於
寇又遭大水巨浸稽天民棲山堞橋堰盡壞田不可耕
而郡之搢紳狃旤怙惡視爲利藪時浙之大吏出於兵
子納貨方競州縣瘠饒皆有則程上蒙下欺諱言歉災
君始隸任蹙頰嗷野申請振贍謀所安集而兩邑之令
方興催科林居虎冠計晦歛賄率倍常賦名修海塘大
肥其家君力相抗拄卒於不勝由是羣狺聚雷并力撼
君第五之議發倉欲因委罪巖詡之期閉閣將以見徵
西隄甫完東閘告塞三縣之水邕而不流萬頃之田潦
以不治君大集繇吏廣設畚畝督視疏鑿躬爲拊勞露

宿兼旬風雪不懈遂中危疾口不能言視事甫稭因之
去位王尊之捍瓠子方欲填身劉馥之治芍陂竟以成
疾懿美所紀前修曷侖至於待予之誠尤見古人之誼
予初入戶部君爲陝西司主稿於曹中資最深曹之故
事掌印與主稿者頤指令史鼻勦刺天寮吏唯阿嚴事
惟謹鈴尾畫諾不問所事尙書侍郎呵殿而至搯袖袞
牘揚揚升堂僚吏稱媿魚貫側行屏息立後不出一語
長貳相見莫知誰何前者咨事旣完復隨其後卻縮而
退歸夸妻子以爲今日對尙書爭某事談遷除之消息
數車乘之輝皇至度支何所籌平準何所恃孰爲竭澤
孰爲漏卮出入十年芴莫一致予抱欠子之癖乏山郎

之錢往往箕踞以對要人白眼以目詔客腰扇所障莫
名何官策蹇所經從不入署與君同僚者二年惟一見
相揖而已及君出守適予告歸虛己諮詢有逾疇昔屈
年申敬致饋鳴虔舍輿以就華圭懷金而資鸞鸞會葢
山乏長講席久虛君奉幣造廬禮請再四時居鄉者珂
黻相望皆久齒科第馭歷省臺又多與君爲同年或挾
朝貴之牘要說百端排擯互起效婢鄰於莫夜張蛾矢
以滿天而君守志益堅奮髯抵几以爲名山之席豈較
官資墨敗之夫何堪師長嗚呼昔者陳留問土止有子
尼皇甫迎賓惟知逢掖以予之植身頽俗堙掌橫流許
靖之忤鄉評待供馬磨吳質之抗郡品誰作溺鑽指原

次以跼徒目施嬙爲顛醜而君之匡持雅道鎮遏浮言
較之翁子下車禮故交之錢勃長孫馳記修洒掃於龍
邱垂爲佳談抑又遠過夫會稽名郡節義所區自官司
失人禮教不立君之愍設冀起貪頑月計有餘歲周竟
去吳民挽鄧慨謝令之難推潁川送黃恐屠伯之將至
驪駒已奏鷓首過征江上一帆送征旆以遠去署中孤
榻接筇屐以何期繞城荷葉田田去思臨路榴花悠悠
水驛利津地接渤海郡系樂陵魚羸大饒杭稻易熟解
章組就田園扶子攜孫強飲飽食青山無恙傳衣冠洛
社之圖惠風遠來發鼓角雷門之響

送朱冑夫侍講視學湖南序

丙子之秋吾友冑夫侍講銜命奉使往彼湘服總文學
之任發輶軒之光簪組相慶褻博喁望迺以重幣要余
同行人事邇屯諾而未果祖帳旣設不能無言夫儒學
之臣以文爲職講幄之地稟輶是恆凡誦翹材之能侈
皇華之盛者膚辭枝說揚權何窮卽謂君掣六執之精
綜四部之略提唱絕業激揚宗風又楚南一隅騷雅所
萃南霍一嶽主天下之文明東陵九江匯寰中之汪濊
湘竹無盡不勝清怨之書澧蘭自生長翻國香之詠岫
嶺禹迹發靈祕於蒼文零陵舜藏補墜佚於虞典二酉
之奇自在九歌之魄可招悉其菁英歸於融冶楚辭雖
富得越吟而益和娥瑟有靈接姚江而彌婉此之爲說

猶主故常縱罄掉其詞鋒悉無當於宏指蓋專千里之
使者以轉移風會爲功苞九流之才者以張弛道化爲
責楚南控帶黔蜀輶轄苗獠包絡洞庭阻阨谿崙山澤
牙互風俗錯居英鷲之民奇佻之士亦往往出焉其氣
驚而不馴其學駁而不理自潢池盜弄元二邁災則益
陽障狂流之瀾湘鄉回再中之日

朝廷倚以復與東南仰其蘇息一時提挈閒出才雄二
李王羅國之虢虎湘陰使相勝汝南之甲兵衡陽侍郎
突臨淮之壁壘其餘生爲民扞死作國殤罄竹殫縑難
窮紀載以故魏家象闕不數祁連之山明堂報功徧作
睢陽之廟白骨所積將齊迴雁之峯碧血成流欲過倉

浪之水論材武者於茲而極盛蓄山川者悉發而無餘
矣繇是以孫尉作詩書習戰鬪為種藝佩牛帶犢盡勃
海之風流枕鼓卧戈擬關中之保壁丈矛左右誦陳安
壯士之歌雙鍵雍容誇李波小妹之唱黥徒餓隸悉化
通侯開府儀同多於走狗門有節度不知天子之尊家
畜健兒莫非亡命之藪加以蒼頭悉遣半赤籍之無歸
青犢潛藏久白直之為伍奉鬼道為煽惑指熟食

熟食二字

出晉書苻登載記以彊梁墨雲之都探丸於白晝銀刀之隊燒

臂於祇神不有移風勢將沈陸而士林莫振學術彌誠

數彼邦之典型亦僂指而蓋闕遠則船山未陽王夫之文富

始出藏書九溪海鄉王禮深僅傳官纂惠棠伯政許測

虛郭居叢書

日之學未著片言公申

湘鄉易宗浩

說經之編祇窺類譜

余嘗

見易氏歷代名賢年齒錄數十卷亦僅類書之學

近則安化雅談經濟道州粗

涉藩籬騶子

鄒漢助

鏗鏗已亡片羽

叔績湛精古學所著讀書偶識數十卷余

嘗得其書經儀禮爾雅說文之說

孫卿

孫鼎

獄獄偏妬

道真猖狂之說遂興支僊之文益出仇近代之儒林遂

攻高密坳新安之未派狂詆陽明黜雅故為侏離尊死

綏於道學高掌遠蹠議曲臺之非真空腹冥談視兩廡

而可獵被髮而祭謂西方之可師沐猴為冠已五經之

掃地非特文武之墜將為陵谷之憂夫事必正名其身

可範言必由禮斯俗不媮是以漢之學僮先諷籀律周

之諸子始教方名踐小節大節之程嚴移左移右之法

形聲或昧理蘊何宣訓詁不明道歧愈出課以繇重知
等級之難窮密其心思庶衰僻之自絕正學之寄實惟
大師獷俗之除先以橫舍君顯精姬雅耽業周官探端
門之緒言搜淹中之逸簡叔孫而後助之以無說文張雅
公彥以前博求夫黃慶李孟將以發皇孤學宣暢微言
風彼諸生申其善誘指歸旣的坊表彌端又且道以宗
傳本之先正功如新建諛儒術之能昌學似南雷識文
獻之攸託鑿彼一孔網之千絲上酬以下闕

送傅節子之湖南序

山桂初黃丹楓未赤秋水無滯零露未晞友生傅君將
理舟楫時則令原書至猶子將迎湘江鯉魚傳徐淑之

簡君配先至長沙衡嶽鴻雁銜萬回之衣迺挈清娛戒銀鹿束

圖軸以壓儻置琴鶴而並窗青簾敞風課竹林之藝紅

燭倚月和玉箭之詩茶煙交於蘋花鬢影錯其湘帙海

水夜涉鎮以石華君山曉匳斂於眉綠極行游之樂無

別離之悲獨是故人何能不憶金風醜酒疏柳系船斜

日一帆莫烟千里指丹橘以極望怨紅蘭之不芳況復

晨星久稀今雨不續王生孟調徐生葆衣既悲宿草孫蓮士陳

士珊二周雪一素時俱逝急景難駐懽宴曷常言軫昔痛

益重今別勉奮神氣慎護波濤子飲洞庭我棲會稽動

靜相聞鱗翼可證

先貞

鄉賢倪涵初先生贊

并序

丁卯七月

先生秉冲懿之德好深湛之思聲雋士巽學綜靈室肇厥性命負笈千里之師齊其衿易探囊三世之籍孫思邈之肘後急拯痿人韓伯休之籠中徧岐慙隸固已道苞七畧業荀九能爲儒林之笏通非方術之可囿矣若其軼事蓋尤可言昔涓于恭之遇盜禾伏草以須數穫郭原平之逢竊筍編橋以免墮溝雖曰通方或詭中道然猶豔倂前史風起後賢值邱中之聚謀哀湔上之絕食不名己有齋彼盜糧每每遼田東棗而可盡招招舟子鼓櫂而徑行馱貪夫之心全寡婦之利義出目智仁非爲名目語大賢庶幾無愧謹爲之贊云

猗與先生受業二曲積學勝金比德于玉導原精理遂
究靈樞金匱五藥万曆己夙一夕扁舟蕭寥霜月四無
人聲風吹禾熟誰何少年聚亏邱中次彼倚移欲鑣而
空先生大諱此非丹穴嬛嬛卹緯得之爲活越畔臙臙
青囊所治采長過人盍稠盍資盜昏不知應聲而穫先
生不名嫠圃乃作烏虜晚俗鬲粒必爭或矯而過亦非
人情先生達權出于心惻事惟中庸迹異詭激嗟予病
木衰而不全繫惟先生藥之以天

小螺盦像贊

并序

小螺盦者同邑孫君道乾愛女芳祖之所居也芳祖字
心蘭號越畹媿善容華勝宜飾稟嫵靜之粹訓荀錄

穎之精能尤好讀書兼稱多執然脂匳側花影通簾擁
卷鍼餘粉痕記冊蓋自紡甄習字繡悅摛言比傳業之
左芬等解詩於道蘊中閨玉映韻事爲多綺悒珠霏雅
譚尤勝而瑤華易謝淑命不融笄醴甫施鏡鸞遽掩以
同治十一年六月二十九日卒年祇十九所著有小螺
盒詩詞二卷及梅花畫人傳續銜蟬錄俱未竟碧城慧
業知聯天上之緣錦帶遺書難續人間之恨羅九緘合
永絕香箋懶髓修容空傳倩影真如適降不通朱鳥之
窗道經六月二十九日九華真如降卮孃儻逢或有青禽之使孫君愛
深玉燕痛甚金鑾門右鉏蘭并亡燕姑孫君姬王氏市旋以哭女殉
中賣盃或冀孫休權媒氏之嫁殤徵名流之哀誄次其

病中瑣事爲小螺盦憶語復爲寫綠楊鐙影圖而屬余
 爲之贊烏乎渚蓮疑面長生六月之花泥絮論因已綴
 三春之樹問飛仙之官府何處吹簫留小影於丹青猶
 遲化玉止君老淚媵我蕪辭

玉產而溫蘭生而薰愉愉而孝婉婉而文額滿疑月眷
 修欲山質以匪飾慧以不年假之丹素想其嬋媿追神
 比霧積淚傾泉安昌之愛金瓠之憐展茲芳迹歸來佩
 環女史蓄墨甚多病革時問荷花生日且詠雲笈七籤
 中紅顏三春樹流年一擲梭之句臨没自言新居甚
 麗有瑤草琪花文中所用多本事也

花部三珠贊 并序 丙子十一月

嗟乎蘭漸以漚雖風不芳麻居於蓬委地疇直是以污

竄之所佳卉難名枳棘之林翔禽自遠其或猗靡下澤
宛轉中泥君子原其遭逢達人閔其沈溺迺有籍編坐
部名列伎人而靈珠在握能別淄澠華玉中韜不迷白
罌豈非蓮性本絜絕累於負塗金質美完何傷於在鍛
者與余滯迹京華薄游燕市偶因所見蓋得三人時琴
香者名小福吳人所居室曰綺春色善事人孰能傾俗
引喉一歌廣場百諾吾鄉有某姓者家以鬻鹽富粵寇
之亂委質賊庭寇退入都竟得高第入翰林嘗招琴香
左觥賊目之妻稱真人有戲以評琴香者琴香詢得其
故大愠自是與某絕余於琴香甚疏也顧甚眷余今年
其三十生日百溢之金十日之饌豪客接坐華轂塞門

琴香獨乞余書一橫障以爲光寵至數十請不厭夫李陵生降鄉里以爲恥褚公高壽骨月之所羞今則清議不申中正失品鷹鷂之疾乃在斯人至于思附題門不嫌疥壁較之會稽孤嫗乞臨川之數行洛下名姬夸李端之一語殆有甚焉錢秋濩者名桂蟾父故吳人僑於京師遂爲燕人所居室曰嬰春秀色可餐清神善照臚鮮秋水頰豔晨葩每當裹首登場轉喉按曲伯龍爲之失步玉茗因以添豪■人某者奴隸之才駟僧之行始以進士官■部狹邪無行幾伍轉屨復內其女於總戎之子脅取其訾萬數遂市裘馬逐輕薄慕秋濩之色歲耗其金數千秋濩鄙之不一挂齒頰余以同人媒介偶

一招從三年之中席無十接囊金未解花葉都虛而秋
菱偏暱就余往往衣香裊裊萸玉温祛脈脈相看依依
不捨嘗曰聞君招而不至者蓋非人也在昔牙郎賣絹
鄭婢欲以賈生太尉對羔黨姬言而冷齒彼爲女子猶
曰鍾情若其愛異分桃緣非結佩而洞簫之謚先上於
歌筵錦瑟之身有懷於禪榻求之近世復尠誰儔朱霞
芬者名愛雲父吳伶也以善歌名霞芬事景蘇梅慧仙
爲弟子今年十五矣瓊枝擢苑玉山映人骨俊亭妍膚
清內朗樂部故事每屆三年臚傳榜發則亦翹其尤異
目爲狀元恩榜偶開亦同斯例丙子之歲遂屬霞芬冠
珠樹之三英是稱極選豔杏園之雙宴特附名花黃絹

同呼非冬烘之假手阜紗一裹何汗顏之讓人繇是百
琲投珠十環斲玉金錢入市爭看西家珥果盈車共縈
衛玠影纓多於星流曳裾疑其雲集同郡某者貌同獠
犵文昧偏旁新由翰林改官知縣敢爲債帥日擁淫倡
偶見霞芬亦以大悅遂朝夕從之飲酒百計奉之冀得
歡心而霞芬益自遠背輒唾罵之烏乎自錢神箸論君
相因以無權貨殖名篇史策從而失據醬瓿漿脣屠酤
與封君絜訾黼繡偏諸孽妾以后衣緣履食何節孟誰
問乎畦醫酒趙翦張遠跨於許史降至今日事益難言
朝無等章士無祿楮帶重儻以金紫假卒阜以鐘縣客
婢安輿突王姬之仗內蒼頭駿馬薄朝貴於溝中其學

士大夫往往勾麴豉之餘沾驕鯁鮑之遺臭效籩條於
販豎峻門牆於寒人家無孔方卽非生我國有顏子何
足與人況乎此曹本以利市而能不淆清濁內別薰蕕
龍門之登迺慕乎棘下驥旌之樹獨恥乎新秦是則傳
彼伶官當改題以一行師乎顏子宜易位於三公春秋
貴賤不嫌同辭乃爲贊曰

韓彼時生英英韶爽芳風遠聞孤雪直上削迹賊中萬
花孰抗錢生婉變天街璧人愛弄臨池松雲斂眞出樓
一曲魚鳥知春睨爾朱生羆豹垂絕翩來近人荀香三
接冰霜在裏勝於雲熱維此三子風塵莫儔報以銀筆
爲有位羞